

«26» սեպտեմբերի 2022թ.

ք.Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով ԻԻՀ քաղաքացի Մոհամմադռեզա Ջալիլի Ալիզադեի Ղուրխանեհչի (անձնագիր՝ B47100565) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

ԻԻՀ քաղաքացի Մոհամմադռեզա Ջալիլի Ալիզադեի Ղուրխանեհչիի անվամբ 28.07.2021 թվականի թիվ 05100041/280721/0000648116 մաքսային մուտքի օրդերով 1 /մեկ/ տարի ժամկետով ժամանակավոր ՀՀ տարածք է ներմուծվել PEUGEOT – ROA մակնիշի, 15425926 նույնականացման համարով, 46AA260 պետհամարանիշով, 2006 թվականի արտադրության տրանսպորտային միջոցը: Նշված տրանսպորտային միջոցը սահմանված ժամկետում՝ մինչև 28.07.2022 թվականը ներառյալ, ՀՀ-ից չի արտահանվել, որի արդյունքում խախտվել է վերաարտահանման պարտավորությունը:

Հայաստանի Հանրապետության պետական եկամուտների կոմիտեի Հարավային մաքսատուն-վարչության ավագ մաքսային տեսուչ-իրավաբանի կողմից 31.08.2022 թվականին ԻԻՀ քաղաքացի Մոհամմադռեզա Ջալիլի Ալիզադեի Ղուրխանեհչիի նկատմամբ հարուցվել է վարույթ ՀՀ մաքսային օրենսգրքի 199-րդ հոդվածի հատկանիշներով:

Վարչական վարույթի շրջանակներում ԻԻՀ քաղաքացի Մոհամմադռեզա Ջալիլի Ալիզադեի Ղուրխանեհչիի սահմանահատումների պատմությունը ստանալու և մաքսային կանոնների խախտման առկայությունը պարզելու նպատակով՝ հարցում է կատարվել ՀՀ ՊԵԿ Ներքին անվտանգության վարչություն:

ՀՀ ՊԵԿ Ներքին անվտանգության վարչության տրամադրած սահմանահատումների պատմության համաձայն՝ 28.07.2021 թվականին ժամը 20:24-ին Ագարակ պետական սահմանի անցման կետով PEUGEOT – ROA մակնիշի, 15425926 նույնականացման համարով, 46AA260 պետհամարանիշով, 2006 թվականի արտադրության տրանսպորտային միջոցով քաղաքացի Մոհամմադռեզա Ջալիլի Ալիզադեի Ղուրխանեհչին մուտք է գործել ՀՀ:

Վարչական վարույթի շրջանակներում հարցումներ են կատարվել ՀՀ Ոստիկանություն՝ քաղաքացի Մոհամմադռեզա Ջալիլի Ալիզադեի Ղուրխանեհչիի հաշվառման վայրը պարզելու նպատակով, ինչպես նաև ՀՀ Կադաստրի կոմիտե՝ Մոհամմադռեզա Ջալիլի Ալիզադեի Ղուրխանեհչիի անվամբ անշարժ գույքի նկատմամբ սեփականության իրավունքի պետական գրանցումների մասին տեղեկատվություն ստանալու նպատակով:

ՀՀ Ոստիկանությունը տրամադրել է տեղեկատվություն առ այն, որ քաղաքացի Մոհամմադռեզա Ջալիլի Ալիզադեի Ղուրխանեհչիի հաշվառման վայրի մասին տեղեկատվություն առկա չէ:

ՀՀ Կադաստրի կոմիտեն տրամադրել է տեղեկատվություն առ այն, որ Մոհամմադռեզա Ջալիլի Ալիզադեի Ղուրխանեհչիի անվամբ անշարժ գույքի նկատմամբ սեփականության իրավունքի պետական գրանցում ՀՀ տարածքում կատարված չէ:

Վարչական վարույթի շրջանակներում PEUGEOT – ROA մակնիշի, 15425926 նույնականացման համարով, 46AA260 պետհամարանիշով, 2006 թվականի արտադրության տրանսպորտային միջոցի հայտարարագրման կապակցությամբ հարցում է կատարվել ՀՀ ՊԵԿ բոլոր մաքսատուն-վարչություններին, որի արդյունքում պարզվել է, որ վերոնշյալ տրանսպորտային միջոցը որևէ մաքսատուն-վարչությունում չի հայտարարագրվել:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելն՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Վարչական վարույթի շրջանակներում թիվ 05100041/280721/0000648116 մաքսային մուտքի օրդերով ՀՀ ներմուծված տրանսպորտային միջոցի խախտման օրվա դրությամբ՝ ազատ շրջանառության համար բացթողնելու դեպքում նախատեսված մաքսային վճարների չափի վերաբերյալ հարցում է կատարվել ՀՀ ՊԵԿ ՀՄՎ համապատասխան ստորաբաժանմանը:

Համաձայն ՀՀ ՊԵԿ ՀՄՎ մաքսային գործառնությունների բաժնի կողմից տրամադրված տեղեկանքի՝ թիվ 05100041/280721/0000648116 մաքսային մուտքի օրդերով ՀՀ ներմուծված տրանսպորտային միջոցի խախտման օրվա դրությամբ՝ մաքսային վճարների չափը կկազմի 2 785 071 /երկու միլիոն յոթ հարյուր ութսունհինգ հազար յոթանասունմեկ/ ՀՀ դրամ:

Քաղաքացի Մոհամմադռեզա Ջալիլի Ալիզադեհ Ղուրխանեհչիի սահմանահատումների պատմությունը ստանալու և նրա ՀՀ-ում գտնվելը կամ ՀՀ-ից բացակայելը պարզելու նպատակով հարցում է կատարվել ՀՀ ՊԵԿ Ներքին անվտանգության վարչությանը:

Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն՝ համաձայն որի քաղաքացի Մոհամմադռեզա Ջալիլի Ալիզադեհ Ղուրխանեհչիին 28.07.2021 թվականին ժամը 20:24-ին Ազարակ պետական սահմանի անցման կետով մուտք է գործել ՀՀ:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում,

Եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Այսպիսով, մաքսային կանոնների խախտման վերաբերյալ վարույթի նյութերով հիմնավորվում է, որ ԻԻՀ քաղաքացի Մոհամմադեզա Զալիլի Ալիզադեհ Ղուրխանեհի անվամբ 28.07.2021 թվականի թիվ 05100041/280721/0000648116 մաքսային մուտքի օրդերով ՀՀ ժամանակավոր ներմուծված PEUGEOT – ROA մակնիշի, 15425926 նույնականացման համարով, 46AA260 պետհամարանիշով, 2006թվականի արտադրության տրանսպորտային միջոցը սահմանված ժամկետում չի վերաարտահանվել, ինչով պայմանավորված թույլ է տրվել ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում:

Ելնելով վերոգրյալից և ղեկավարվելով ՀՀ մաքսային օրենսգրքի 199-րդ, 219-րդ, 221-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածի 1-ին մասով նախատեսված մաքսային կանոնների խախտում կատարելու համար ԻԻՀ քաղաքացի Մոհամմադեզա Զալիլի Ալիզադեհ Ղուրխանեհիին ենթարկել վարչական պատասխանատվության՝ տուգանելով **1 392 540 /մեկ միլիոն երեք հարյուր իննսուներկու հազար հինգ հարյուր քառասուն ՀՀ դրամ/** 2 785 071:2/:

2. Որոշման մասին հայտնել ԻԻՀ քաղաքացի Մոհամմադեզա Զալիլի Ալիզադեհ Ղուրխանեհիին:

3. ՀՀ մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում այն կայացնելու պահից, և համաձայն ՀՀ մաքսային օրենսգրքի 222-րդ հոդվածի 2-րդ մասի՝ որոշումը կարող է բողոքարկվել վերադաս մաքսային մարմին (պաշտոնատար անձին) որոշումը կայացնելուց հետո 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. 900005024055՝ 1 392 540 /մեկ միլիոն երեք հարյուր իննսուներկու հազար հինգ հարյուր քառասուն ՀՀ դրամ/ (ՀՀ պետական բյուջե, կենտրոնական գանձապետարան, Հարավային մաքսատուն-վարչություն, ԿՈԴ 30):

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ

ԱՐՏԱՇԵՍ ՂԱՄԲԱՐՅԱՆ